


la, quam num. VI. & sequ. descripsimus, *Hygro-Barometrum* fortassis haut incongruè dicenda. Mergitur illa in spiritu vini, quia hic ipsa specie levior est; in cæteris emergit, quia specie sunt graviora; & quò plus gravitatis habent specificæ liquores singuli præ ipsa, tantò magis eam allevant: ita ut reciprochè, ejus major minorve in aliquo liquore emersio, argumentum sit ac indicium infallibile majoris etiam vel minoris gravitatis specificæ; tametsi præcisè, quâ proportionè differat hæc in uno & in altero liquore, nondum determinare audeat, ut altera illa *Monconysii* num. VII. & seqq. à nobis descripta, quæ cæterà eodem cum nostra fundamento nititur.

Causa 6.
Phæn.

CONCLUSIO V. Nititur autem eodem & altera, quæ bullam vitream in eodem liquore nunc ascendentem nunc descendentem exhibet, ob causam non aliam, quàm quòd bullam memoratam modo levio-rem liquore dicto efficiat, modo gravio-rem. Etenim, dum utraque manu premittitur vesica K L aquæ plena, coacta cedere aqua, nec exitum tamen ullum inveni-ens nisi per canalem E D in suprapositam ampullam D G, hujus aquam pariter urget ac locum sibi concedere quasi postulat. Hæc igitur ita sursum adacta, cum omnem

Fig.
15.



Causa 7.
Phæn.

ampullæ